

խաղաղով ի վերայ ծովուն՝ եկեալ ի վերայ Տաճկին, այնպէս արարեալ զսոցա երամքն որպէս զանապատ, զոմանս այրեալ և հրդեհեալ և զոմանս ի ծովն ջրասոյզ արարեալ և զնաւսն ի միջի յերկուս կտրեալ եւ զայլսն առ ինքն տարեալ՝ մինչև Մ նաւից կամ Կ-ից ողջամբ հանդերձ պատերազմի զգեստովն¹⁾ եւ անթիւ արծաթիւն^(*), զկարասիս սոցա և զկահս նաւիցն և զանհամար արս սոցա հանդերձ մեծամեծօք եւ չորպաճիւք եւ յէնկիչէրօք: Եւ զգերիս սոցա, որք էին քրիստոնեայք յազգէն Ռուզաց ի նաւի անդ կապանօք երկաթի զօրհանապազ զամենայն առուրս կենաց իւրեանց, նոցա չուխայս զգեցուցեալ եւ հանդերձս մեծագոյնս, եւ զսոցա յէնկիչէրին և զայլ մեծամեծսն որ գնացեալ եղեն աստի, զսոքա ի տեղս Լոււզաց որք կային նոքա գերիք և երկաթի կապանօք ի ձեռս սոցա չարչարանօք վասն Քրիստոսի Կ ամաց և Զ ամաց եւ որք ձ ամաց սպիտակ ալեօք՝ յորմէ հեռէ ըմբռնեալ էին եւ ըմբռնեն, զալիս նոցա ածիլեն: Եւ յայսմ ամի Ստեղծողն մեր հանգոյց զնոսս աստի չարչարանաց եւ անդ առնելոց են զպսակն կենաց ի Քրիստոսէ Աստուծոյն մերմէ: Եւ զայս բանքս լրեալ թագաւորին՝ ի լաց էր եւ յաղաղակ եւ առ հասարակ ազգ սոցա ի սուգ էր եւ ի տառապանս:

Շարաթ օր (21 Յուլի) տօն Լուսաւորչին մերոյ Սրբոյն Գրիգորի գլուտ նշխարացն: Մարտիրոս վարդապետն ի Լուսաւորիչ գնաց:

Կիրակի օր (22 Յուլի) Տէր Յովանէսն Սուրբ Նիկողոսոս զորդին կարգեց. և երեկոյիս ի Ղալաթա գնացի. Սօճա Մկրտիչն զորդին կարգեց:

1) սգեստովն.

(*) Լուս. ժԳ կտոր սլրծեալ միայն: